

فيديو #٧٤٢ من مقاطع حذر التجول تدبر سورة الإسراء # ٦ الآية

٥٢-٣٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم متين سبعة واربعين. من مقاطع حذر تجول والمقطع رقم ستة من مقاطع تدبر سورة الاسراء. ارجو حضراتكم تجميعوا المصاحف وتفتحوا على سورة الاسراء - [00:00:06](#)

سورة الاسراء من اولها بتركز على ان هناك علاقة بين امة محمد صلى الله عليه وسلم وامة بني اسرائيل اولها الاسراء بالنبي محمد صلى الله عليه وسلم حصل من مكة للقدس - [00:00:26](#)

في فلسطين اقرأ الآية واحد معي. اقرأ معي من الآية واحد. اعوذ بالله السميع العليم من الشيطان الرجيم. بسم الله الرحمن الرحيم سبحان الذي اسرى بعبد له ليلا من المسجد الحرام - [00:00:51](#)

الى المسجد الاقصى الذي باركنا حوله. ارض فلسطين كلها ثم كلام عن الافسادتين وزوال الفساد مرتين والامر لا يخص اليهود فقط بل المسلمين ايضا لهم دور طبقا لبعض التفاسير التي تقول ان الافساد الثانية هي التي شغالة حاليا من بعد ثمانية واربعين - [00:01:09](#)

والايات بتاعة الافسدتين فسرناها هناك علاقة بين الامة دي والامة دي. في لقمتين لهم علاقة ببعض يقرأ الآية اثنين معه واتينا موسى الكتاب وجعلناه هدى لبني اسرائيل اقرأ الآية تسعة - [00:01:30](#)

ان هذا القرآن يهدي للتي هي اقوم ويبشر المؤمنين. يبقى التوراة والقرآن الاثنين كتابين من عند ربنا يوم هدايق هناك علاقة ماشية. وامبارح قارنا سفر الخروج الاصحاح عشرين التي فيه الوصايا العشر - [00:01:49](#)

التي في التوراة باوامر ربنا في الاسراء في سورة الاسراء. ودرس امبارح كله كان عبارة عن المقارنة بين ايات الوصايا العشرة هنا وهنا في سورة الاسراء تدبرنا امبارح الآية اثنين وعشرين بعد كده - [00:02:10](#)

التي هي لا تجعل مع الله الها اخر فتعقد مذموما مخذولا. دي الآية بتاعة امبارح وقلنا ان ما يقابلها في الوصايا العشر في كتاب بني اسرائيل هو انا الرب الهك لا يكن لك الهة اخرى امامي لا تصنع لك تمثالا منحوتا ولا صورة ما - [00:02:26](#)

مما في السماء من فوق وما في الارض من تحت وما في الماء من تحت الارض. ولا تسجد لهن ولا تعبدن النهاردة بقى هنتدبر ما يقابل الوصية اكرم اباك وامك لكي تطول ايامك على الارض التي يعطيك الرب الهك - [00:02:51](#)

الوصية التي بتبقى انها موجودة زي ما هي كده في التوراة التي موجودة في ايدينا النهاردة ما نعرفش دي بطلها تحريف ولا لا. النص ده اكرم اباك امك ليه ؟ لكي تطول ايامك على الارض التي يعطيك الرب الهك - [00:03:16](#)

يعني عشان تعيش اكثر ربنا يمد في عمرك لما تكرم ابوك وامك. ماشي شف بقى صياغة القرآن للوصية بالاب والام. اقرأ معي بقى ثلاثة وعشرين اربعة وعشرين خمسة وعشرين. يلا نقرأ مع بعض - [00:03:31](#)

من اول ثلاثة وعشرين هنقرأ مع بعض وقضى ربك الا تعبدوا الا اياه. وبالوالدين احسانا اما يبلغن عندك الكبر احدهما او كلاهما. فلا تقل لهما اف ولا تنهرهما. وقل لهما - [00:03:46](#)

ما قولوا كريما واخفض لهما جناح الذل من الرحمة وقل رب ارحمهما كما ربياني صغيرا ربكم اعلم بما في نفوسكم. ان تكونوا صالحين فانه كان للواابين غفورا دي الايات التي احنا هنتدبرها النهاردة - [00:04:06](#)

بس قبل ما نبدأ نتدبرها احب اذكركم بمواضع اخرى ثانية واحدة اعمل بس اعمل عشان ما حدش يقلقنا ثاني انا اسف دي غلطتي

يعني دي غلطتي يعني. طيب قبل ما ندخل بقى في تدبر التلات ايات دول - [00:04:30](#)

احب ان انا اذكر نفسي واياكم بمواضع اخرى ربنا اتكلم فيها عن الوالدين وبر الوالدين عايزكم تركزوا فيهم عشان هاسألکم سؤال بعد كده. ايه المشترك بين كل المواضع دي في بر الوالدين - [00:04:57](#)

في سورة لقمان ربنا بيقول واذا قال لقمان لابنه وهو يعظه يا بني لا تشرك بالله ان الشرك لظلم عظيم ووصينا الانسان بوالديه حملته امه وهنا على وهن وفصاله في عامين. ان اشكر لي ولوالديك - [00:05:15](#)

المصير وان جاهدك على ان تشرك بي ما ليس لك به علم فلا تطعهما. وصاحبهما في الدنيا معروفا. طيب العنكبوت والذين امنوا وعملوا الصالحات لنكفرن عنهم سيئاتهم ولنجزينهم احسن الذي كانوا يعملون - [00:05:35](#)

ووصينا الانسان بوالديه حسنا البقرة ثلاثة وتمانين واذا اخذنا ميثاق بني اسرائيل لا تعبدون الا الله وبالوالدين احسانا وذي القربى واليتامى والمساكين وقولوا للناس حسنى واقيموا الصلاة واتوا الزكاة المائدة - [00:05:57](#)

واعبدوا الله ولا تشركوا به شيئا وبالوالدين احسانا وبذي القربى واليتامى والمساكين والجار ذي القربى والجار والصاحب بالجنب وابن وابن السبيل. وما ملكت ايمانكم الانعام مية واحد وخمسين قل تعالى واتل ما حرم ربكم عليكم. ايه؟ الا تشركوا به شيئا وبالوالدين احسانا ولا - [00:06:20](#)

اقتلوا اولادكم من املاق. نحن نرزقكم واياهم ولا تقربوا الفواحش ما ظهر منها. وما بطن ولا تقدرؤا النفس التي حرم الله الا بالحق تعالوا نرجع للاية ثلاثة وعشرين في سورة الاسراء. بص لي بقى في الاية ثلاثة وعشرين - [00:06:50](#)

وقضى ربك الا تعبدوا الا اياه. وبالوالدين احسانا. اما يبلغن عندك الكبر احدهما او كلاهما فلا تقل لهما اف ولا ارهما وقل لهما قولا كريما. ايه المشترك في كل المواضع دي؟ ايه اللي بتتكلم عن بر الوالدين؟ هم - [00:07:05](#)

بارك الله فيكم. ايوة هو كده. والله العظيم الواحد بيحس ان هو يعني ما كانش بيضيع وقته العشر شهور اللي فاتت دي. صح؟ كلکم قالوها قتلوها صح هناك ربنا بيقرن دائما بين عبادة الله وعدم الشرك بالله والاحسان للوالدين وبر - [00:07:24](#)

الوالدين الامر ببر الوالدين ورعايتهما هو تاني حاجة دائما ربنا بيأمر بها على طول بعد ايه؟ الامر بالعبادة والتوحيد كل مرة ربنا امر بالبر بالوالدين سبقهم على طول العبادة والتوحيد - [00:07:44](#)

السؤال بقى دائما بر الوالدين مقترن بعبادات الله القرآن بيستغل اي واحدة فيهم في اقناعك باهمية الثانية مم هل القرآن بيقنعك ببر الوالدين باهمية عبادة الله وعدم الشرك ام العكس؟ بيقنعك - [00:08:01](#)

باستخدام عبادة الله وعدم الشرك عشان خاطر تبقى بار بوالديك ردوا يا جماعة اي واحدة فيهم القرآن بيستخدمها للاقناع بالثانية تختلف من شخص لآخر انسان قوي الايمان بالله ومؤمن بالله وموحد اصلا - [00:08:32](#)

لو عنده اب وام مقصرين في حقه ربنا يأمر ببرهما بالرغم ان هم قصرؤا في حقه وقصرؤا في رعايته ويذكره بان اول شيء ربنا بيأمر به بعد عبادة ربنا وهو انسان قوي الايمان. هم - [00:08:57](#)

هو انه بير والديه فيبر والديه هنا ربنا يستغل الايمان والعبادة وعند الانسان قوي الايمان في ان هو يقنعه باهمية بر الوالدين. والعكس انسان ضعيف الايمان ربنا يذكره اه بانه اه اه اه - [00:09:15](#)

باهمية العبادة والتوحيد وبقرنهم ببر الوالدين اللي هو امر اصلا عقلي طبيعي جدا. لانه شيء طبيعي عند اي انسان في الدنيا سواء مسلم او يهودي او مسيحي او ملحد او كافر او اي حاجة ان لازم الانسان يكون لطيف مع والديه - [00:09:36](#)

يحسن لوالديه لان هم ربوا. لان هم اللي رعوا لان هم سبب وجوده في الدنيا. خلي بالك بقى الله سبحانه وتعالى الفلاسفة الفلاسفة الاغريق سموه السبب الاول يعني ما كانش عندهم كلمة الله ما كانوا يعرفوه. لكن سمووا الخالق السبب الاول. فالسبب الاول موجود

هذا الكون هو الله سبحانه وتعالى - [00:09:56](#)

السبب الثاني في وجود اي حد مننا هو ابوه وامه. ده السبب الثاني فيبقرن السبب الاول بالسبب الثاني. السبب الثاني صحيح هو سبب ثاني لكن عند ضعيف الايمان او عند عديم الايمان هو سبب واضح - [00:10:20](#)

معروف مش محتاج ان الانسان يعمل عقله او يتلقى وحي عشان يعرف ان ابوه وامه هم سبب وجوده انتم وربنا يقول ايه بقى اقرأ
 بقى في الاية اربعة وعشرين واخفض لهما جناح الذل من الرحمة. وقل رب ارحمهما كما ربياني صغيرا - [00:10:36](#)

يبقى ربنا حط علة واخفض لهما جناح الذل من الرحمة وقل رب ارحمهما كما ربياني صغيرا لانهم ربكم وانت صغير في سورة لقمان
 ووصينا الانسان بوالديه. ليه؟ حملته امه وهنا على وهن وفصاله في عامين - [00:10:58](#)

ده امك اللي حملتك تسع شهور. وبعدها قعدت ترضعك سنتين وضعيف الايمان بتروح له رسالة وهي انك انت بتبر ابوك وامك اللي
 راعوك سنتين وممكن يسلموك لحد ثاني يربعاك بعد كده - [00:11:20](#)

او بعد كده آآ يعني راعوك وانت صغير لغاية مرحلة معينة وبعد كده تركوك انت ترعى نفسك. فالاولى انك انك تبر وتطيع اللي راعاك
 وبيرعاك من اول يوم في ولادتك ليوم مماتك. اول يوم في ولادتك ايه؟ قبل ولادتك كمان - [00:11:33](#)

هو القلب بيدق من امتي؟ من الاسبوع الخامس في الحمل مين اللي حافظ على قلبك بيدق باستمرار؟ ما هو القلب ده لو انقطع عن
 النبض خلاص الانسان مات مين اللي حافظ الواحد عاش تمانين سنة بيبقى قلبه دق تمانين بحوالي اثنين مليار دقة. مين اللي حافظ
 على ده - [00:11:51](#)

السبب الاول الله سبحانه وتعالى يبقى اذا كنت انت بتبر ابوك وامك اللي هم السبب الثاني هناك سبب اول يستحق الانتاج تبرع ايضا.
 طيب وبعدين هو بيرعاك من الاول لغاية الاخر لغاية اخر يوم في حياتك ما سلمكش لحد يربعاك - [00:12:14](#)

لم يرسلك خارج الكون بتاعه وبالتالي اقتران العبادة ببر الوالدين مفيد لتقوية مفهوم العبادة وتقوية مفهوم بر الوالدين مع ناس تانية
 تمام؟ طيب. كمل بقى معي. وقضى ربك الا تعبدوا الا اياه - [00:12:34](#)

وقضى ربك الا تعبدوا. ما فيش عبادة. الاصل في العبادة المنع الا ما سمح به الاصل في المعاملات الحل كل حاجة حلال ما عدا الحرام
 مش العكس. عشان كده ما حدش ينفع يقول لي ايه؟ ايه دليلك على ان كذا حلال - [00:12:54](#)

انا مش محتاج دليل عشان عشان اسبت ان حاجة حلال انا محتاج دليل عشان اسبت ان حاجة حرام. ليه؟ لان الاصل في المعاملات
 الحل انما في العبادات العكس. الاصل في العبادات الحرمة. لا يجوز اني اعبد الا - [00:13:18](#)

اللي ربنا سمح به او لا لا يجوز حتى اني اعبد ربنا اعبد الله بعبادة هو لم يسمح بها يعني مسلا ما فيش واحد يقول لك ايه انا السيدة
 مريم آآ صامت عن الكلام. فانا نويت اصوم عن الكلام. لا يجوز لك تصوم عن الكلام. هي عندهم كان في صيام عن الكلام. احنا ما
 عندناش صيام عن الكلام - [00:13:35](#)

لا يجوز الاصل في العبادات المحكومة. وقضى ربك الا تعبدوا الا اياه باستثناء مين؟ هو بس لا نعبد الا هو اذا الكفر ياتي او قبل
 الايمان وده لعدم قوله للاخوة المسيحيين. يا جماعة ما تزعلوش لما تلاقوا في الكتب بتاعتنا آآ العلمية. ان غير المسلم كافر. ما هو
 احنا - [00:13:56](#)

احنا اصلا كمان كفار حتى احنا نفسنا احنا نفسنا كفار من وجهة النظر الاخرى. وما ينفعش اكون مسلم الا لما اكفر اول ما هو دين
 الاسلام. ربنا بيقول ايه في سورة البقرة؟ لا اكراه في الدين. قد تبين الرشد من الغيب. فمن يكفر بالطاغوت ويؤمن بالله - [00:14:26](#)

وقد استمسك فانا لازم اكفر الاول بما هو غير الله. ثم اؤمن بالله. ده لازم مع بعض بقى ثاني كده الاية ثلاثة وعشرين. وقضى ربك الا
 تعبدوا الا اياه وبالوالدين احسانا. اما بيلغن - [00:14:45](#)

ان عندك الكبر احدهما او كلاهما فلا تقل لهما اف ولا تنهرهما وقل لهما قولوا كريما واخفض لهما جناح الذل من الرحمة. وقل رب
 ارحمهما الان الطبيعي ان ربنا يقول ايه - [00:15:04](#)

وقضى ربك الا تعبدوا الا اياه وبالوالدين احسنوا وللوالدين احسنوا. فين الفعل احسانا ده مصدر لكن ربنا يقول وبالوالدين احسانا
 يعني وبالوالدين احسنوا احسانا. المصدر جه للتوكيد على شدة الاحسان. زيه - [00:15:22](#)

وكبره تكبيرا. وسبحه تسبيحا وبالوالدين احسانا. فذكر المصدر بدل ما يذكر الفعل يعني شديد جدا اقصى احسان ممكن تمام كمل
 بقى اما بيلغن عندك الكبر احدهما او كلاهما بيلغن عندك ببوحي بالضعف الشديد اللي وصلوا له بيلغن عندك خلاص ما لهمش حد

غيرك. ما يقدروش يعيشوا - 00:15:44

بدون الاعتماد عليك اما يبلغن عندك زي ما انت كنت عندهم وانت رضيع ومعتمد عليهم وبيأكلوك وينضفوك اما يبلغن عندك خلاص بقى هم اللي عندك بقيت انت ابوه انت اللي بقيت البيرم خلاص. انت اللي بقيت ولي الامر الحقيقي - 00:16:17

الرمل انت ابنهم وانا انت بنتهم اما يبلغن عندك الكبر احدهما او كلاهما. سواني الاتنين كبروا في السن ووصلوا للمرحلة دي. او واحد منهم بس. بينما الثاني توفي لهذه المرحلة - 00:16:40

مطلوب منك ايه بقى خيلنا واقعيين يعملوا مشاكل هيعملوا متاعب هيدلقوا الاكل على الارض. اهي ديهم بتترعش الاكل بيتدلقد وبيوسخوا حواليههم. هيعملوا على روحهم في السرير مش بيلحقوا يوصلوا للتواليت - 00:16:54

مطلوب منك ايه بقى فلا تقل لهما اف ولا تنهرهما وقل لهما قولوا كريما. اف دي عبارة عن النفخة ما تنفخهاش اوف دي ممنوعة انا اصلي والدتي مش بتسمع اصلا ولما نفخت كانت مدية لي ضررها فما حسنتش لا بنص القرآن اف النفخة دي - 00:17:13

ما تنفخش ايه رأيك بقى؟ هي صحيح ممكن تكون ما سمعتهاش وما شافتهاش لكن حسيتها بقلبها النفخة دي يعني انت حالتك النفسية متضجر. ما تتضجرش وحتى لو كتبت جواك عبدالله بن عمر بن الخطاب رضي الله عنهما شاف رجل - 00:17:40

يحمل امرأة عجوزة جدا على ضره. وبيطوف فيها بيطوف بها حوالين الكعبة. فسألوا من هذه؟ قال انها امي اتراني قد وفيتها حقها يا ابن عمر؟ انا باحج بها كده تتخيل انا كده اكون وفيتها حقها - 00:17:59

فقال ابن عمر والله مهما فعلت بها فلم يعدل ذلك طلقة واحدة طلقها فيك ساعة ولادتها. وهما عملت ولا طلقة واحدة اساء الولادة ليه ليه لو الواحد قعد عشرين سنة يخدم امه المريضة - 00:18:20

وهي خدمته وهو صغير عشر سنين مسلا بالكثير وبعد كده بدأ يعتمد على نفسه ويخرج ويشغل ويعمل كل حاجة. في عيادة بتشتغل من عشر سنين ليه لو هو خدمها عشرين سنة - 00:18:41

يأكل ويشرب وينضف. برضه ما يعدلش اللي هي عملته له. ليه ممكن الابن يكون خدم امه مدة اكبر. وتعب اكثر كمان هتقول لي عشان الام الحمل والطلق بتاع الولاد. يا سيدي خليه الاب ها - 00:18:53

ليه لو الابن خدم ابوه عشرين سنة اكل وشرب ونضافة؟ خمسة وعشرين سنة برضه ولا حاجة جنب اللي ابوه شاكور. ليه؟ لا يجزئ. ليه رعاية ابو لهب فكروا فيها هي مسألة نفسية - 00:19:09

الاب والام بيرعوا ابنهم ويتعبوا عليه وهم عارفين اللي هيريحهم منه يكبر بينما الابن والبنت بيرعوا ابوهم او امهم وبيتعبوا عليهم وهم عارفين ان اللي يريحهم او نهاية تعبهم الموت - 00:19:27

فلا يمكن تستوي رعاية الابوين برعاية الاولاد هذه رعاية مدفوعة بالامل وهذه رعاية غير مدفوعة بشيء فلا تقل لهما اف ولا تنهرهما يوقع الاكل يقوم ابنه وبنته يزقق له يا بابا مش معقول بقى انا تعبت من كتر ما بنضف - 00:19:46

ولا تنهرهما امال اعمل ايه؟ انا تعبت طول النهار تنضيف وشيل وحط لا اقول اف ولا اعلي صوتي او مال اعمل ايه؟ اقرا وقل لهما قولوا كريما. ده الاكل تقوم داحك وتقول له احسن يا شيخ - 00:20:10

ده كان اكل بايت يلا يلا انا كنت عاوز اقوم اعمل اكل طازة وتضحك. كسر الطبق اضحك وقول له خد الشر وراح يا عم في داهية فدى ضفرك. انا كنت زهقان اصلا من الاطباق دي. ايه رأيك بقى فيه طقم اطباق نفسي اجيبه وكنت مش عارف احطه فين؟ يلا يلا كسر الاطباق - 00:20:26

وقل لهما قولوا كريما حسسهم ان هم مش حمل واخفض لهما جناح الذل من الرحمة مش بس تقول قول كريم لا وتقلب المشكلة اللي تسببوا فيها الضحك لا لا ده انت كمان تنزل على ايد ابوك وامك تبوسها - 00:20:46

اتسلل لهم واحصد لهما جناح الذل من الرحمة انزل بوس ايده انزل بوس رجله كل ده بيشعرهم بايه هيشعرهم بايه؟ ممنوع اف مجرد نفخة ممنوع ممنوع تنهرهم. تعلي صوتك ممنوع - 00:21:10

لازم كمان تقلب الموضوع ضحك وتبين ان ما عندكش اي مشكلة مع اي مصيبة يعملوها. خالص وقل لهما قولوا كريما. وخذ عندك كمان

بقي ولازم تنزل لهم وتبوس ايديهم ورجليهم - 00:21:30

واخفض لهما جناح الذل من الرحمة. ده بيشرهم بيايه الحب بيشرهم انك بتخدمهم عن حب فلا تقل لهما اف في نفسك ما تتدجرش ولا تنهرهما وما تعليش صوتك. وقل لهما قولوا كريما - 00:21:46

وابسطهم وضحكهم وقول لهم كلامي حلو. واخفض لهما جناح الذل اسمع دي من الرحمة. يعني ايه من الرحمة؟ يعني لو عملت كده يبقى انت رحيم انسان رحيم. انت استلفت جزء من رحمة ربنا رحمت بها ابوك وامك - 00:22:05

بقية الرحمة ربنا يرحمك بها انت خدت جزء من الرحمة. رحمت ابوك وامك وبقيت الرحمة هتنعكس عليك انت عن سيدنا جابر ابن عبدالله ان النبي صلى الله عليه وسلم رقى المنبر طالع. فلما رقى الدرجة الاولى قال امين ثم رقى الثانية قال امين - 00:22:27
ثم لقي الثالثة فقال امين. فقالوا يا رسول الله سمعناك تقول امين ثلاث مرات. قال لما رقيت الدرجة الاولى جاءني جبريل عليه السلام فقال شقي عبد ادرك رمضان فانسلك منه ولم يغفر له - 00:22:46

انسان خسران اللي يدرك رمضان ويخلص وهو ما يستغلوش في ان ربنا يغفر له. فقلت امين. ثم قال شقي عبد ادرك والديه او احدهما فلم يدخله الجنة خسران اللي يدرك ابوه - 00:23:07
او امه او الاثنين يعني يا الاثنين يا واحد منهم وما يبقوش سبب في دخوله الجنة وقلت امين. ثم قال شقي عبد ذكرت يا محمد ذكرت عنده ولم يصلي عليك فقلت امين. يبقى ابوك - 00:23:27

وامك هم اللي هيدخلوك الجنة. لما يقع يتكسر منهم حاجة او يعملوا على روحهم ما يلحقوش يروحوا الحمام. تدرك انك هتقوم تنصف. يبقى انتذكر ان الموقف ده ممكن يكون سبب في دخولك الجنة ساعتها هتعرف ما تقولش اف. ساعتها هتسيطر على نفسك مش هتنهر ومش تعلي صوتك. ساعتها - 00:23:44

هتوري كل ده. بس افكر ان الموقف ده وان التعب بتاعك ده هو ده سبب دخولك الجنة. هي دي الطريقة عشان تقدر تسيطر على نفسك وعشان خاطر تبقى روحك حلوة. طيب - 00:24:04

لازم تستشعر ده فتقول ايه ربي ارحمهما كما ربياني صغيرا رب ارحمهما تدعي لهم بالرحمة وانت رحمتهم ارحمهم برحمة ربنا ثم تطلب لهم رحمة ربنا فتناك انت رحمة ربنا طيب انت بررت ابوك وامك اللي ماتوا - 00:24:16
او لغاية ما يموتوا خلاص ماتوا بقى هل انقطع عنك ثواب البر خلاص ازاى بعد ما قلت يا خسارة مش هنعرف نبر ابونا وامنا وناخد لا هتعرف ازاى الدعاء الدعاء بر للاب والام. قال النبي صلى الله عليه وسلم اذا مات الانسان انقطع عنه عمله الا من ثلاثة - 00:24:42
ثلاث حاجات بيوصلوا للبني ادم بعد ما يموتوا الا من صدقة جارية او علم ينتفع به او ولد صالح يدعو له ولد صالح يدعو له ولد يعني ابن او بنت. خلي بالك ولد ذكر او انثى بتبقى - 00:25:06

فلو ابن او بنت صالحين بيدعوا يوصل هذا بر قضاء الدين الصلاة والسلام بيقول نفس المؤمن معلقة بدينه حتى يقضى عنه. فلو ابوك او امك عليه دين لحد لازم تسده - 00:25:22

هذا من البر، قضاء النذر قضاء الكفارة كان عليه كفارة كفارة آآ يمين كفارة آآ اي تقضي الكفارة عنه صلة صديقه له صديق لها صديقة. آآ لهم آآ اصحاب لهم آآ آآ قرايب - 00:25:37

توصل اصداقائهم انت كده بتبرأ ابوك وامك. قال النبي صلى الله عليه وسلم من احب ان يصل اباه في قبره فليصل خان ابيه بعده. اللي عايز يزور ابوه في قبره يروح يزور اصحاب ابوه - 00:25:59

خمسة التصديق عنهما. سعد ابن عبادة رضي الله عنه آآ توفيت امه. فقال يا رسول الله ان امي توفيت وانا غائب عنها لا ينفعها شيء ان تصدقت به عنها قال نعم - 00:26:16

قال فاني اشهدك ان حائطي المخراقة صدقة عليها. حائط يعني جنينة. راح متصدق بالعزبة بتاعته طب نرجع للاية اربعة وعشرين. ارجع للاية اربعة وعشرين واخفض لهما جناح الذل من الرحمة. وقل رب ارحمهما كما ربياني صغيرا. يبقى بعد موتها ربنا بيقول لك -

00:26:34

ادعي لهم تعال نقرأ الايتين ونستشعرهم كده وقضى ربك الا تعبدوا الا اياه وبالوالدين احسانا. اما يبلغن عندك الكبر احدهما او كلاهما فلا تقل لهما اف ولا تنهرهما. وقل لهما قولاً كريماً. واخفض لهما جناح الذل من الرحمة وقل رب ارحمهما - [00:26:56](#)

هما كما ربياني صغيرا في ناس ممكن تعمل كل ده وتخدم ابوهم وامهم احسن خدمة بس مش علشان رحمة ربنا ممكن يكون بيحب يتميز عن اخواته. ويبنوا احسن واحد في اخواته. ويريد ان ابوه وامه يحبوه اكثر. او ان الناس تقول عليه انسان بار - [00:27:21](#)

او بيدوا له فلوس كل ما بيروح لهم. فبالتالي بيسرّب منهم فلوس غير اللي هيبقى نصيبه بقى في الميراث. اقرا الاية خمسة وعشرين. ربكم اعلم بما في نفوسكم ان تكونوا صالحين فانه كان للاوابين غفورا. ربنا اعلم بحقيقة اللي جوة نفس كل واحد فيه - [00:27:45](#)

اذا كان صالح ولا لأ بس لو مش صالح. باب التوبة مفتوح. باب العودة مفتوح. الله بيقول فانه كان للاوابين غفورا. الاواب يعني جاع كثير الرجوع عن خطاه. نلاحظ يا جماعة ان الاية مهتمة بابه - [00:28:04](#)

تربية الانسان نفسه مش بالاب والام الحقيقة يعني الان مهتمة بتربية الانسان على الاخلاص وبذل الحب للوالدين قارن ده بقى بالوصية اللي جاية في سفر الخروج التوراة اكرم اباك وامك لكي تطول ايامك على الارض التي يعطيك الرب الهك - [00:28:22](#)

اما ان هذا النص في التوراة او ان الله يخاطب ناس ماديين جدا لن يكرموا او يبروا ابويهم الا من اجل منفعة دنيوية لكن قارن ده بالتربية النفسية اللي في القرآن - [00:28:46](#)

تعالوا نختم بالآيات دي نقرأها ثاني ونستشعر التربية اللي بتربيهها للانسان الآيات. وقضى ربك الا تعبدوا الا اياه وبالوالدين احسانا. قرن عبادته وعدم الشرك بالاحسان للوالدين. اما يبلغن عندك الكبر احدهما او كلاهما فلا - [00:29:02](#)

اتقوا اللهما اف. مجرد النفخ لأ. ولا تنهرهما وما تعليش صوتك. وقل لهما قولاً كريماً. مهما عملوا اقلب الموضوع ضحك وهزار وضحكهم وفرفشهم واخفض لهما جناح الذل من الرحمة. وانزل وبوس ايديهم وبوس رجليهم واتزل لهم - [00:29:22](#)

وقل رب ارحمهما كما ربياني صغيرا. وادعي لهم بالرحمة قبل ما يموتوا وبعد مماتهم ربكم اعلم بما في نفوسكم. ان تكونوا صالحين فانه كان للاوابين غفورا ما فيش في الدنيا زي كتاب ربنا. نتوقف هنا الليلة يا جماعة. اللهم انا نسألك حبك وحب من يحبك وحب كل عمل يقربنا الى حبك - [00:29:41](#)

اللهم ما رزقتنا ما نحب. فاجعله قوة لنا فيما نحب. وما زويت عنا مما نحب. فاجعله فراغا لنا فيما نحب. اللهم اجعل حبك احب الينا من اهلينا واموالنا ومن الماء البارد على الظمأ - [00:30:08](#)

اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك لك وعبادك الصالحين. اللهم احبي قلوبنا بحبك واجعلنا لك كما نحب. اللهم اجعلنا نحبك بكل قلوبنا - [00:30:25](#)

نرضيك بكل اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان - [00:30:45](#)

بحسناتي وحسناتكم. اللهم انك تعلم ان هذه القلوب قد اجتمعت على كتابك وعلى محبتك. والتقت يا رب على طاعتك وتوحدت على دعوتك وتعاهدت على نصره شريعتك. فوثق اللهم رابطتها وادم ودها - [00:31:05](#)

واهدا سبلها واملاها بنورك الذي لا يخبو. واشرح صدورنا بفيض الايمان بك وجميل التوكل عليك. واحبها يا رب بمعرفتك وامتها على الشهادة في سبيلك. انك نعم المولى ونعم النصير. والسلام عليكم ورحمة الله وبركاته. ونراكم - [00:31:25](#)

باذن الله كنا من اهل الدنيا - [00:31:45](#)